



UNIVERSITÄTS-
BIBLIOTHEK
PADERBORN

**Cæremoniale FF. Minorum Strictioris Observantiæ Almæ
Provinciæ Saxoniae S. Crucis**

Sächsische Franziskanerprovinz vom Heiligen Kreuz

Nevhvsii, 1706

VD18 10502327

Titulus XIII. De modo celebrandi Jubilæum.

[urn:nbn:de:hbz:466:1-71672](https://nbn-resolving.org/urn:nbn:de:hbz:466:1-71672)

Deinde aspergit Chordam dicendo :

Benedictio Dei Patris ✠ & Filij, ✠ & Spiritus sancti, ✠ descendat super nos & super hanc Chordam ac maneat semper.

Sacerdos dum cingit aliquem dicit :

Accipe chordam super lumbos tuos, ut sint lumbi tui praeincti in signum castitatis & temperantiae, ut memor existas vinculorum Redemptoris tui omnibus diebus vitae tuae. In nomine Patris, ✠ & Filij, ✠ & Spiritus ✠ sancti. Amen.

Deinde dicitur Oratio :

Domine Jesu Christe lux vera de vero lumine, qua sumus immensam clementiam tuam, ut per intercessionem Beatissimi Patris nostri Francisci Confessoris tui mentem et cor famuli tui illumines, ut tibi casto corpore famuletur, et corde perfecto jugiter placeat. Qui vivis et regnas, etc.

Post hæc inscribitur nomen.

TITULUS XIII.

De modo celebrandi Jubilæum.

1. **S**ecundum Statuta Provincialia, nullus Pater aut Frater Jubilæum celebrare poterit, absque consensu Capituli Provincialis, vel R. A. Patris Ministri. Habito dicto consensu, & die celebrandi Jubilæi constituto, finitâ Sextâ vel Nonâ (post asperisionem aquæ benedictæ, si sit dies Dominica) præcedente Fratre aliquo superpelliceo induto & crucem portante sequuntur Fratres bini & bini, dein Cantores cum superpelliceis, postea Diaconus & Subdiaconus induti dalmaticis; dein Officiator Pluviali indutus, qui omnes processionaliter pergunt ad Domum Capitularem, in qua tunc erit Jubilaturus, expectans cum aliis Jubilariis, si adsint, Communitatem.

2. Cum pervenerint ad ostium Domus Capitularis Superior cum Diacono & Subdiacono intrat illam, & accedens ad Jubilaturum tradit

dit illi candelam ardentem floribus adornatam, dicens :

*Accipe lumen in manibus tuis, ut hoc signo discas operatenebrarum fugere
& lucis exempla sectari.*

3. Jubilaturus manum Officiatoris & candelam exosculans, illam reverenter accipit, & ipsam manu dextra tenens, indutus superpelliceo mundo & stola pretiosa, si sit Sacerdos, vel casula si ipse summam Missam sit celebraturus, procedit ad Ecclesiam duobus senioribus Patribus ipsum ad latera comitantibus, & reliquis Jubilariis (si plures adsint) immediatè præcedentibus, omnibus superpelliceo indutis, & candelas ardentes deportantibus; subsequitur Officiator medius inter Diaconum, & Subdiaconum.

4. Cùm sic Fratres processionaliter ad Ecclesiam pergunt, decantatur in sexto tono Psalmus : LAUDATE DOMINUM DE CÆLIS, &c. Cantoribus illum in egressu domus Capitularis intonantibus, & aliis alternatim respondentibus.

5. Adornentur etiam tres Paranympbi, quorum unus sertum floridum Sponso imponendum deportabit, duobus aliis flosculos, herbasque odoriferas per viam spargentibus, donec perventum fuerit usque ad pulpitem seu scabellum in medio Presbyterij dispositum, & decenter ornatum, ut in eo Jubilaturus genuflectat. Post quem etiam disponetur sedes, in qua dum placuerit, valeat sedere, si ipse Missam non celebret.

6. Omnibus chorum ingressis celebratur Missa, vel per ipsum sponsum, vel alium digniorem Patrem, & post cantatum Evangelium, ille qui est habiturus Concionem, à Jubilaturo genuflexo interrogat : *Quid petit Venerandus Pater ?* Respondet : *Reverende Adm. Pater peto humillimè à vestra Reverentia, & à sacratissimo Ordine nostro gratiam Jubilæi, ut possim me quietius præparare ad mortem, & dein pervenire ad jubilæum sempiternum.*

7. Factâ petitione, jubet eum sedere, ceteris Fratribus circumsedentibus, brevemque habet de Beneficio Jubilæi, aut alia materia congrua sermonem, hortaturque ad constantem usque in finem vitæ in exercitio virtutum perseverantiam, & agens illi gratias pro laboribus

bus

bus in Ordine habitis concludit Exhortationem, & mox ad Jubilatum se convertens admonet ipsum, ut mentem ad Deum eleuet, dum alij pro ipso pro gratia Jubilæi melius impetranda sunt rogaturi Altissimum.

8. Et statim accepta stola (nisi sacerdotalibus vestibus foret indutus) in medio altaris genuflectens, omnibus aliis etiam flectentibus & respondentibus dicit alta voce :

Kyrie eleison. Christe eleison, Kyrie eleison.

Pater noster, &c. Et ne nos inducas, &c.

R. Sed libera nos à malo.

V. Salvum fac servum tuum,

R. Deus meus sperantem in te.

V. Mitte ei Domine auxilium de sancto,

R. Et de Syon tuere eum.

V. Nihil proficiat inimicus in eo.

R. Et filius iniquitatis non apponat nocere ei.

V. Esto ei Domine turris fortitudinis,

R. A facie inimici.

V. Domine exaudi orationem meam,

R. Et clamor meus ad te veniat.

V. Dominus vobiscum.

R. Et cum spiritu tuo.

Dictis Versibus Sacerdos solus surgit, aliis adhuc genuflexis, & dicit :

O R E M U S.

Omnipotens sempiterne Deus, qui per legislatorem tuum annum quinquagesimum Jubilæum mysticè nominari voluisti, eodemque anno cunctis longè amplissima onera ac debita relaxare ac servitute oppressos libertate donari jussisti; tribue quæsumus huic famulo tuo fratri nostro N. gratiam anni Jubilæi, hoc est, remissionem omnium peccatorum, ac culparum relaxationem toto corde poscenti, piæ petitionis effectum, ut à
pecca-

peccatis omnibus exatus ac primæ libertati et innocentia restitutus, posthac in mandatorum tuorum ac Regula suæ observatione indefessus perseveret : gratia tuæ munere de virtute in virtutem, de fortitudine in fortitudinem ambulet, tandemque emenso huius vitæ curriculo cœlestis gloriæ Jubilationem, et in domo illa non manu facta perennem consequatur mansionem. Per illum, qui quondam dixit : In domo Patris mei mansiones multe sunt, Dominum nostrum Iesum Christum Filium tuum. Resp. Amen.

9. Hæc Oratione finitâ Prælati surgit & vadit ad cornu Evangelij, & sedens aliis etiam tunc sedentibus dicit Jubilaturum, quod si placet accipere gratiam Jubilæi, accedat ; & mox duo Seniores ducunt illum ante Sacerdotem portantem secum candelam ardentem & ornatam, quam unus Ministrorum è manu Sponsi excipiens, super altare collocat in candelabro ad hoc antea disposito.

10. Tunc genuflexus antè Prælatum (si potens est cantare) Jubilarius incipit Antiphonam : PORTIO MEA, &c. Deindè Cantores stantes intonant Psalmum : JUBILATE DEO OMNIS TERRA, PSALMUM DICITE, &c. in isto tono quem Chorus etiam stans absolvit cum Gloria Patri, &c. Deinde resumitur Antiph. PORTIO MEA, &c. à Cantoribus. Quod si Jubilarius non potuerit canere dictam Antiphonam, unus de choro illam inchoat, & alij post Psalmum repetunt, modo ut sequitur.

Portio mea Domine sit in terra viventium. Jubilate.

11. Finito Psalmo, & repetita Antiphona, erigit se Sacerdos, & dicit :

O R E M U S.

DEus, qui nos famulos tuos à seculi vanitate conversos ad supernæ vocationis accendis amorem, pectoribus nostris purificandis illabere, et gratiam nobis, quâ in te perseveremus

Gg

mus

mus infunde, ut protectionis tue muniti presidii, quod te donante promisimus, impleamus, et nostræ Professionis executores effecti, ad ea quæ credentibus in te promittere dignatus es pertingamus. Per Christum Dominum nostrum. R. Amen.

12. Post Orationem sumens sertum floridum de altari, illud capiti Jubilarij imponens, dicit :

Coronet te Dominus post decursum presentis stadij non corruptibili sed incorrupta corona brevij cælestis. Amen.

O R E M U S.

Domine Jesu Christe, qui olim per Apostolum tuum intonuisti : Nemo coronabitur nisi qui legitime certaverit ; quique ad perseverantem in tua voluntate famulatum mirifica illa promissione nos excitare dignaris, quâ dicis : Esto fidelis usque ad mortem, et dabo tibi coronam vitæ ; propitiare omnibus iniquitatibus huius famuli tui N. qui annum quinquagesimum tuo munere in hoc statu expletum transegit : sana omnes infirmitates eius, redime de interitu vitam eius ; corona eum in misericordia et miserationibus, et reple in bonis desiderium eius, et velut aquila renova juventutem eius ; quatenus bonum certamen certando, cursum consummando, fidem votorum suorum servando, repositam sibi coronam iustitiæ mereatur accipere à te, qui redditurus es unicuique secundum opera eius. Qui vivis et regnas cum Deo Patre, in unitate Spiritus sancti Deus per omnia sæcula sæculorum. R. Amen.

Ÿ. Adjutorium nostrum in nomine Domini.

Ÿ. Dominus vobiscum.

O R E.

Domine Jesu Christe infirmitatis humanæ singulare præsidium, qui humanitatis et languorum nostrorum factus es particeps, ut nos virtute tua corroborares, et in te confortante omnia possemus, quique lignum S. crucis tuo sacro sanguine et morte sanctificasti, ut esset nobis in spei sustentaculum et imbellicitis nostræ firmamentum, bene **✠** dic quæsumus baculum hunc, ut famulus tuus, qui eo utitur, sanctissimæ crucis tuæ meritis innixus, tutius in omnibus viis gradiatur, et ad te unicum solatium nostrum pervenire mereatur. Qui vivis et regnas in sæcula sæculorum. R. Amen.

Post hanc orationem Superior baculum benedictum dat Jubilatio dicens :

Accipe virgam virtutis tue, ut in ejus præsidio stes rectus in semita mandatorum ejus.

Accepto baculo comitantibus duobus Senioribus vadit Jubilarius ad scabellum, in quo ante flexit. Interim Cantores in sexto tono incipiant Psalmum : ECCE QUAM BONUM & QUAM JUCUNDUM, &c. Finito Psalmo Sacerdos stans versus illum, dicit sequentem Orationem cum Versibus.

℣. Confirma hoc Deus quod operatus es in nobis.

℞. A Templo sancto tuo quod est in Ierusalem.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

O R E M U S.

DA nobis quæsumus Domine perseverantem in tua voluntate famulatum, ut in diebus nostris et merito et numero populus tibi serviens augeatur. Per Christum Dominum nostrum. R. Amen.

G g 2

13. Quæ

13. Quâ Oratione finitâ, Sacerdos dat benedictionem Jubilario genuflexo, & humiliter caput inclinanti, dicens :

Bene + dicat tibi Deus Pater, qui te creavit, & ab omni malo culpa & pœna corporis animæque immunem te præservet in secula seculorum. Resp. Amen.

Bene + dicat te Deus Filius Dominus noster Iesus Christus, qui te pretioso suo sanguine redemit, detque pacem cordis in præsentè, & in futuro pacem æternitatis. R. Amen.

Bene + dicat te Deus Spiritus sanctus, qui te sanctificavit, & gratiam suam copiosam tibi infundat, ut sacri Iubilæi privilegio omnique benedictione spirituali repletus, tandem inveniaris in consortio illorum, de quibus dictum est : Beati qui habitant in domo tua Domine, in secula seculorum laudabunt te. R. Amen.

Tunc Sacerdos benedicat adstantes, dicens :

Benedicat & custodiat vos omnipotens & misericors Dominus, Pa + ter & Fi + lius & Spi + ritus sanctus. R. Amen.

14. Benedictionibus finitis statim Cantores solemniter intonant Hymnum : TE DEUM, &c. quo absoluto duo Versicularij cantant :

Ÿ. Benedicamus Patrem & Filium cum sancto Spiritu,

R. Laudemus & superexaltemus eum in secula.

Deinde aliquis Sacerdos in loco Hebdomadarij cantat tono solemni orationem sequentem.

O R E M U S.

DEus, cuius misericordiæ non est numerus, et bonitatis infinitus est thesaurus : piissimæ Maiestati tuæ pro collatis donis gratias agimus, tuam semper clementiam exorantes ; ut qui petentibus postulata concedis, eosdem non deserens, ad præmia futura disponas. Per Christum Dominum nostrum. Resp. Amen.

15. Cantata oratione intonatur CREDO, & fit Missæ prosecutio : quâ finitâ Sacerdos cum Ministris revertitur ad Sacristiam, subsequente Ju-

te Jubilario cum suis ductoribus Senioribus retinente coronam seu
sertum in capite, & postea cum occasione Fratres illi de celebrato Ju-
bilæo congratulantur.

TITULUS XIV.

De Capitulo Culparum.

1. **C**apitulum Culparum communiter servatur tertio in qualibet
hebdomada, nempe feriâ 2da, 4ta & sexta, si prænominati dies
ob festa occurrentia impediuntur, tunc die proximè sequenti serva-
bitur.

2. Dato per Portarium signo, omnes sine mora ad locum Capituli
conveniant, ibidemque genuflexi facie ad parietem conversa adven-
tum Superioris in silentio expectent. Superior dum advenerit, dat
signum, ad quod omnes surgunt & capite detecto sedent, & Superior
incipit commendationes fidelium tam vivorum quam defunctorum
duobus primis diebus hoc modo.

Venerandi PP. &c. Commendo Sacrificiis & precibus nostris sa-
lutem vivorum & requiem defunctorum, specialiter quoad vivos S.
D. N. N. P. Inviictissimum Imperatorem N. & Eminentissimum Pro-
tectorem, Eminentissimum vel Serenissimum Principem nostrum,
omnes Prælatos nostros ac ceteros Patres, Fratres & Sorores Ordinis
nostri, Parentes, Benefactores, & eos qui specialiter preces nostras
petierunt.

Quoad defunctos commendo animas summorum Pontificum,
Imperatorum, Protectorum ac Principum; Patrum, Fratrum, Soro-
rum, Parentum, Benefactorum ac omnium defunctorum: pro qui-
bus commendatis & aliis commendandis dicamus preces consuevas.

Tunc surgens Superior, aliis etiam surgentibus intonat Psalmum:
AD TE LEVAVI OCULOS MEOS. quem alternatim prosequuntur cum
GLORIA PATRI, &c. deinde Psalmum DE PROFUNDIS, & in fine RE-